

PRAVILNIK O TRAJNOM OZNAČAVANJU PASMINSKIH PASA

Pravilnik je sastavni dio Pravilnika o stručnom radu KSuBiH i odnosi se na sve članice. Ima za cilj trajno obilježavanje i identifikaciju pasminskih pasa i njihove matične evidencije.

Član 1.

Svi pasminski psi vlasnika, članova jedne od članica KSuBiH moraju biti trajno obilježeni na jedan od načina: tetoviranjem ili mikročipiranjem.

Pored utiskivanja određenog broja tetoviranjem u lijevo uho ili unutrašnju stranu lijeve butine, isti broj mora biti utisnut tetovir klještima (igličastim probadanjem) i na rodovnik (pedigre) psa.

Aplikacija mikročipiranjem podrazumijeva zdravstveno sigurnu ugradnju čipa pod kožu sa lijeve strane vrata. Proizvođač čipova uz svaki čip daje i šest naljepnica koje se moraju zaljepiti na rodovnik (eventualni exportni rodovnik), zdravstveni karton, putovnicu, centralnu evidenciju i za još neophodne identifikacijske dokumente i certifikate.

Tetoviranje i mikročipiranje pasa je jednako obvezno za sve članice KSuBiH i organizatore manifestacija.

Član 2.

Tetovir broj se utiskuje kod štenadi ili odraslih pasa sa unutrašnje strane lijevog uha na bezdlačnom dijelu, ili sa unutrašnje strane lijeve butine, a na rodovniku na za to određenom mjestu.

Član 3.

Za tetoviranje se mogu upotrijebiti tetovir klješta sa brojevima čija je veličina najmanje 7 mm i pasta odgovarajuće boje.

Član 4.

Tetoviranje se vrši isključivo u članicama KSuBiH (kinološkim društvima, klubovima). Ovim Pravilnikom zabranjuje se samostalno tetoviranje, odnosno tetoviranje pasa u uzgajivačnicama. Štenad odgojena u uzgajivačnicama moraju se također tetovirati od strane ovlaštenog lica.

Mikročipiranje se vrši u ovlaštenim veterinarskim ambulancama.

Svaki vlasnik i uzgajivač mikročipiranog psa je dužan da rodovnik na kome stoji evidentiran broj mikročipa ovjeri pečatom matične organizacije.

Ovjerivač je dužan podatke o mikročipiranju dostaviti savezu čiji je član radi evidencije u centralnoj bazi.

Član 5.

Štenad se može tetovirati ili čipirati nakon četrdesetpet (45) dana starosti, a odrasli psi bez ograničenja starosti. Stariji psi se preporučuju za jedan od načina trajnog označavanja u što kraćem vremenskom periodu zbog evidencije i drugih pozitivnih strana koje nosi označavanje.

Član 6.

Kinološke organizacije u kojima se vrši trajno označavanje, vode evidenciju o označenim psima, sa sljedećim rubrikama: 1.oznaka broj, 2.ime i spol psa, 3.pasmina psa, 4.broj rodovnika (pedigrea), 5. datum štenjenja, 6. ime i prezime, adresa i telefon vlasnika psa u trenutku trajnog označavanja.

Član 7.

Tetovirat će se brojevi sa rodovnika, a kod čipiranja proizvođač ima ekskluzivno pravo da po svojoj nomenklaturi određuje brojeve za svaki aplicirani čip sa kodom od 15 znamenki koje se moraju podudarati sa brojevima prilikom očitavanja pri provjeri. Neoznačeni psi neće moći sudjelovati na kinološkim manifestacijama nakon 31.12.2012. godine.

Član 8.

Svaki referent za tetoviranje (ovlašten od članice saveza KSuBiH), mora imati okrugli pečat prečnika 30 mm, u čijoj sredini stoji skraćenica članice KSuBiH i nomenklturni broj, a rubom pečata je ispisano "TETOVIRANO".

Pečat se utiskuje na rodovnik psa pored tetovir broja. Rodovnici obilježeni tetovažom bez ovakvog pečata neće se smatrati ispravnim.

Član 9.

Tetoviranje pasa i štenadi može se vršiti u svako vrijeme u nadležnim kinološkim organizacijama, pri prijavi legla ili pojedinačno ili pri ocjenjivanju pasa na smotrama, izložbama ili drugim kinološkim priredbama.

Mikročipiranje se može vršiti kod ovlaštenih osoba.

Član 10.

Savezi i druge članice KSuBiH organizirat će seminare za kinološke radnike koji će biti ovlašteni za tetoviranje pasa, pri čemu će teoretski i praktično obraditi način i metod tetoviranja pasa i vođenje evidencije.

Član 11.

Svaki član kinološke organizacije obavezan je da tetovira ili čipira svog pasminskog psa, kao i da snosi troškove u svojoj matičnoj organizaciji. Ukoliko njegova matična organizacija ne vrši tetoviranje pasminskih pasa, može tetovirati svog psa u drugoj kinološkoj organizaciji u okviru svog matičnog saveza.

Član 12.

Cijenu troškova tetoviranja propisana je cjenovnikom KSuBiH.

Član 13.

Trajno označavanje pasa služi za identifikaciju pasa, i pri sudskim sporovima se koristi za identifikaciju pasa, te je svaka zloupotreba kažnjiva po kinološkim i drugim zakonskim propisima.

Član 14.

U okviru KSuBiH niko nema pravo da pasminske pse (sa rodovnikom) trajno obilježava na drugi način osim na način predviđen ovim Pravilnikom.

Član 15.

Ovaj Pravilnik stupa na snagu danom donošenja od strane Skupštine KSuBiH, a njegova primjena je obvezna za sve članice KSuBiH.